

Полный сборник канонов и молитв святителю Николаю,
архиепископу Мирликийскому

Другой канон из службы
на перенесение мощей

Глас 4

Начало канона см. 01 - Начало канонов.doc

Песнь 1

Ирмос: Отвѣрзу уста моя, и наполнятся Духа, и слово отыгну Царице Матери, и явлюся, светло торжествуя, и воспою, радуясь, Той чудеса.

Припев: Святителю отче Николае, моли Бога о нас¹.

Просвети душу и сердце, молю Ти ся, Светодавче, твари Содетелю, дар подаждь ми воспеванием пети Твоего угодника пречестного, имже мир от скорби избави. (Дважды.)

Слава: Небесную ты обрет премудрость, яко таланта врученного, благоупотребил еси: тою бо, разорив противобожную лесь, умудрил еси люди Божественным учением.

И ныне, *Богородичен:* Зачинается Превечный, и совершенный обновляется, из Отроковицы Деищ рождается, Егоже проповедал еси во двою существу, во единой же ипостаси, Богоблаженне.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: Твоя песнословцы, Богородице, живый и независтный Источник, лик себе совокупльшия, духовно утверди, в Божественней Твоей славе венцев славы сподоби.

Печальнии тя обретохом крепкое утешение, помраченнии – свет, и злых изменение иже скорбми одержимии, священнейший отче. (Дважды.)

Слава: Святителю Николае, Божия уста быв, из уст волка неприязненна люди избавил еси, славне, и привел еси Творцу дар, дай исцеление всем.

И ныне, *Богородичен:* Един родится изволи плотию из Тебе, выше слова сый Слово, Богомати пречистая, избравый слугу Себе и учителя народом иерарха Николая.

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

Моли́ Бо́га о нас, святителю́ о́тче Никóлае, я́ко мы усердно́ к тебе́ прибега́ем, ско́рому помо́щнику и моли́твеннику о душа́х на́ших.

Го́споди, помíлуй. (*Трижды.*)

(Если по 6-й песни читается акафист, то перед седальнами читаем кондак и икос.)

Седален, глас 4

Удивил еси́, Влады́ко, святителя́ Твоего́ во страна́х, подав ему́ чудес́ благода́ть неду́ги различны́я от человек отгоня́ти и су́щия во у́зах избавля́ти, обидимы́я же от лю́тых изымати. Ему́же моле́бно вопие́м: святы́й Никóлае, изба́ви нас от враг на́ших.

Слава, и ныне, *Богородичен*

Нечы́стых помышле́ний мо́их мно́жества и безме́стных мы́слей обу́ревания́ кто изрещи́ мо́жет, Пренепоро́чная? Настоя́ния же беспло́тных враг мо́их и сих зло́бу кто испове́сть? Но Твоею́ мольбо́ю, Благо́я, сих ми всех избавле́ние да́руй.

Песнь 4

Ирмос: Неизсле́дны́й Бо́жий сове́т, е́же от Де́вы воплоще́ния Тебе́, Вы́шняго, проро́к Авваку́м усмотря́я, зова́ше: сла́ва си́ле Твое́й, Го́споди.

Нача́льна, богогла́се, Све́та Бо́жия прича́стием вторы́й яви́лся еси́, сия́нием просвеща́ющ, мра́чныя, я́ко рачи́тель добродете́ли, преизя́щен сла́вою. (*Дважды.*)

Слава: Иза́ви ста́до твоё от грехо́вныя бу́ри, бед же и волн проти́вных, вводя́ ны при́сно к приста́нцем безво́лненным, Спаси́тельными тво́ими моли́твами.

И ныне, *Богородичен:* Естество́м несказа́нно вы́шняго Све́та, милосе́рдием пребога́таго ро́ждшая неизрече́нно, обнища́вшия ны, Пречи́стая, Бо́жими да́ры обога́ти.

Моли́ Бо́га о нас, святителю́ о́тче Никóлае, я́ко мы усердно́ к тебе́ прибега́ем, ско́рому помо́щнику и моли́твеннику о душа́х на́ших.

Песнь 5

Ирмос: Ужасо́шася вся́ческая о Божество́нней сла́ве Твое́й: Ты бо, неискусобра́чная Де́во, имела́ еси́ во утробе́ над все́ми Бо́га и родила́ еси́ безле́тнаго Сы́на, всем воспева́ющим Тя мир подава́ющая.

Мно́гим чудотворе́нием кра́сне но́зе стяжа́в, всем благая́ благовести́л еси́, от вражды́ ве́тхия свободо́ны творя́ Божество́нным уче́нием. Спаси́ ны, священнонача́льниче. (*Дважды.*)

Слава: Бо́га благово́лением на хребе́т морской́ всед и со благоговей́ными му́жи мно́гу пучи́ну прешед, ко гра́ду Ба́рску пришёл еси́, блаже́нне Никóлае.

И ныне, *Богородичен:* Щит ве́рным, Бо́жия Ма́ти Де́во, Тя вои́стинну сла́вим, а́нгельски зову́ще Ти: ра́дуйся, Благослове́нная и Благода́тная, слы́шание и глаго́лание стра́шно и дивно́ покое́ще Влады́це тва́ри вся́кия.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

Песнь 6

Ирмос: Божéственное сиé и всечестнóе соверша́юще пра́зднство, богому́дрии, Богома́тере, приидите, рука́ми восплещим, от Нея́ рóждшагося Бóга сла́вим.

Люди́ Бóжия ко спасéнию устроивый во плóти Явльшагося мно́гия ра́ди бла́гости, проповéднице Никóлае и язык учите́лю, спаси́ ны наставлénием твои́м. *(Дважды.)*

Слава: Имéвый путь мо́ре и стези́ во́ды, умоли́ у Го́спода, е́же нам мо́ре житéйское преплы́ти без вреда́ и стезе́ю вод слéзных дости́гнути Ца́рствие Небéсное.

И ныне, *Богородичен:* Ты дверь Ца́ря небéс и храм сла́вы Егó, Дéво всепéтая, отвéрзи нам двéри милосéрдия и введи́ ны моли́твами Твои́ми в жили́ща небéсных сла́вы.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

Го́споди, помилуй. *(Трижды.)* Слава, и ныне.

Кондак, глас 3

Взы́де, я́ко звезда́, от восто́ка до за́пада твоя́ мо́щи, святителю́ Никóлае, мо́ре же освятис́я шéствием твои́м, и град Ба́рский приéмлет тобою́ благода́ть: нас бо дéля явил́ся еси́ чудотворец изы́щный, предивный и милостивый.

Икос

Воспои́м ны́не святителя́ пéснями, ми́рским лю́дем па́стыря и учите́ля, да моли́твами егó просвети́мся: сей бо яви́ся чист весь, нетлénен дýхом, Христу́ принося́ жéртву непорóчну, чи́сту, Бо́гу благоприятну, я́ко святитель, очищен душéю и тéлом. Тémже сый истинно́ Цéркви предста́тель и побóрник сея́ и чудотворец изы́щен, предивен и милостив.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Не послужи́ша твáри богому́дрии, па́че Созда́вшего, но, óгненное прещéние му́жески попра́вше, ра́довахуся, пою́ще: препéтый отцéв Го́сподь и Бог, благословén еси́.

Вещéй сýетством всему́ уму́ челове́ческому обуя́вшу, я́ко со́лию, даждь цельбу́ слóвом твои́м и пéти Го́сподеви научи́: препéтый отцéв Го́сподь и Бог, благословén еси́. *(Дважды.)*

Слава: О, пресла́вная твоя́ чудеса́, я́же сотвори́л еси́! Неду́ги бо исцеля́еши и бед избавля́еши, всем вопи́ти повелева́я Го́сподеви: препéтый отéц на́ших Бóже, благословén еси́.

И ныне, *Богородичен:* На́шему смире́нию застúпница и стена́,

Богородительнице чистая, Ты еси. Иже раби Твои суще, всегда вопием Господеви: препетый отец наших Боже, благословен еси.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 8

Ирмос: Отроки благочестивыя в пещи Рождество Богородичо спасло есть, тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите во вся веки.

Возраст еси, яко свет благоуханен, мирския земли, славне, всем принося благоуханныя вонии, целебныя дары хвалящим тя и поющим: Господа воспевайте, дела, и превозносите Его во вся веки. *(Дважды.)*

Слава: Искъпавый Божия благодати сладость, яко гора масличная елей, море имел еси путь, безбедствен благодатию Господа, Емуже сладце зовем: Господа воспевайте, дела, и превозносите Его во вся веки.

И ныне, *Богородичен:* Ликов премирных со удивлением раждаеши и пребываеши присно Дева: Слово бо родила еси, Человека бывша непреложна Божеством, Емуже вси поем: Господа воспевайте, дела, и превозносите Его во вся веки.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 9

Ирмос: Всяк земнородный да възграется, духом просвещаемь, да торжествует же безплотных умов естество, почитающее священное торжество Богоматере, и да вопиет: радуися, всеблаженная Богородице, чистая Приснодево.

Память твоя днесь приносит празднество, апостольский лик и мученический собор радуется и праведнии души, вернии же тя песньми славим, вопиюще: от всех скорбей, святителю Христов, избави ны. *(Дважды.)*

Слава: Преславная память твоя нам возсия, светло просвещаючи верныя, святителю Христов Николае мудре. Темже молим тя: помяни всех нас и от противныя напасти всякия молитвами твоими избави.

И ныне, *Богородичен:* Умертви наша плотския страсти и похоти, Богородительнице чистая, устави и страстей наших бурю, утоли волнение помыслов, укрепй, Благословенная Пречистая, сердца верно чтущих Тя, Заступницу.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Окончание канона см. 14 - Окончание канонов.doc